

**ХОТИН-ҚИЗЛАР ҲУҚУҚБУЗАРЛИГИНИНГ ОЛДИНИ ОЛИШДА
ЮЗАГА КЕЛАЁТГАН МУАММОЛАР ВА УЛАРНИ БАРТАРАФ
ЭТИШГА ОИД ТАКЛИФЛАР**

Реймкулова Хурзада Хапузатдиновна

Қорақалпоғистон Республикаси ИИВ жамоат хавфсизлик хизмати

Ҳуқуқбузарликлар профилактикаси бошқармаси

хотин кизлар масалалари бўйича ўринбосари

Анотация: Аёллар ўртасида жиноятчиликнинг ривожланишида сўнгги йилларда кўзга ташланган ташвишли тенденциялар, жамиятга, жамиятдаги маънавий-психологик муҳитга, жамиятнинг алоҳида институтларига, айниқса, оилавий муносабатларга аёллар жиноий хулқ-атворининг салбий таъсири ортиб бораётгани, аёллар ўртасида жиноятчиликнинг тузилишида таъмагирлик жиноятлари етакчилик қилиши, бу жиноий қилмишлар давлатнинг иқтисодий тузумига ва фуқароларнинг шахсий мулкига катта моддий зарар етказётганлиги, аёллар жиноят содир этишига туртки берувчи ўзига хос сабаблар ва шарт-шароитлардан келиб чиқиб, изчил профилактика ишини йўлга қўйишнинг зарурлиги, аёллар ўртасида жиноятчиликнинг муаммоларини илмий ўрганиш даражасининг пастлиги, бу аёллар ўртасида жиноятнинг олдини олиш ишларини ташкил этишга салбий таъсир кўрсатаётганлиги ҳақида фикр юритилади.

Калит сўзлар: тенденция, жиноят, профилактика, олдини олиш, муҳит, криминоген ҳусусият, хотин-қизлар

**ПРОБЛЕМЫ, ВОЗНИКАЮЩИЕ В СФЕРЕ ПРОФИЛАКТИКИ ЖЕНСКОЙ
ПРЕСТУПНОСТИ, И ПРЕДЛОЖЕНИЯ ПО ИХ РЕШЕНИЮ**

Аннотация: Тревожные тенденции развития преступности среди женщин в последние годы, усиливается негативное влияние преступного поведения женщин на общество, духовно-психологическую среду в обществе, отдельные институты общества, особенно семейные отношения, увеличивается преступность супружеской измены. лидируя в структуре преступности среди женщин, это преступные деяния, наносящие большой материальный ущерб экономической системе государства и личному имуществу его граждан, необходимость налаживания последовательной профилактической работы с учетом конкретных причин и условий, мотивирующих женщин совершения преступлений, низкий уровень научной изученности проблем преступности среди женщин, это профилактика преступности среди женщин, считается, что это оказывает негативное влияние на организацию своднической работы.

Ключевые слова: профилактика, среда, тенденция, криминогенная преступно личность, есть, тенденция, преступность, профилактика, среда, криминогенная личность, женщины.

PROBLEMS ARISING IN THE PREVENTION OF WOMEN'S CRIME AND PROPOSALS FOR THEIR SOLUTIONS

Abstract: Alarming trends in the development of crime among women in recent years, the negative impact of women's criminal behavior on society, the spiritual and psychological environment in society, individual institutions of society, especially family relationships, is increasing, and the crime of adultery is increasing. leading in the structure of crime among women, these are criminal acts that cause great material damage to the economic system of the state and the personal property of its citizens, the need to establish consistent preventive work taking into account the specific reasons and conditions that motivate women to commit crimes, the low level of scientific knowledge of the problems of crime among women, This is the prevention of crime among women, it is believed that this has a negative impact on the organization of pimping work.

Key words: trend, crime, prevention, prevention, environment, criminogenic personality, women. trend, crime, prevention, prevention, environment, criminogenic personality, women.

Аёлларнинг жиноий хулқ-атвори ижтимоий воқъеликдаги объектив ва субъектив омилларнинг ўзаро таъсири билан белгиланади. Бундай омиллар орасида ижтимоий омиллар етакчи рол ўйнайди. Аёллар ўртасида жиноятчилик ўзининг ижтимоий белгиланган хусусиятларга эга. Бу хусусиятлар жамиятда содир бўлаётган тарихий, жуғрофий-сиёсий, иқтисодий-хукукий, демографик ва бошқа ўзгаришлар билан бевосита боғлиқ. Мазкур ўзгаришлар аёллар ҳаётий фаолиятининг микроижтимоий муҳитида ўзининг ёрқин ифодасини топади.

Микроижтимоий муҳит аёллар ҳаёт йўлининг турли босқичларига ҳар хил салбий таъсир кўрсатади. Бу бевосита ёш, меҳнат фаолияти, моддий аҳвол, оилавий муносабатларнинг ҳолати каби маълум ижтимоий-демографик тафовутлар билан белгиланади. Маҳкум аёллар жазони ўтаётган озодликдан маҳрум қилиш жойлари шароитида микроижтимоий муҳитнинг салбий таъсири айниқса кучли сезилади, бундай жойлардаги муҳит эса ўзига хос хусусиятларга эга бўлиб, эркакларнинг колонияларидаги муҳитдан жиддий фарқ қилади.

Аёлларнинг ғайриижтимоий хулқ-атворини профилактика қилиш учун Н.Г. Шумский келтирган маълумотлар эътиборга молик. Спиртли ичимликларни суъистемол қилувчи аёлларнинг кўпчилигига руҳий инфантилизм хос. Руҳиятнинг реактив ва аффектив бузилиши ҳам аёллар феъл-атворининг умумий жиҳатларидан ҳисобланади. Улар 30-35 ёшдан кейин аёлларда алкоголизм билан касалланиш эҳтимоли анча ортган даврда кучаяди яъни ушбу

ёш аёлларнинг энг криминоген ёш гуруҳини ташкил этади.

Гиёҳвандлик ва алкоголизмни аёллар ўртасидаги жиноятга бевосита таъсир кўрсатувчи омиллар сифатида профилактика қилиш муаммолари муайян шахс даражасида ҳам, умуман жамият миқёсида ҳам жинсий тубанлашиш билан чамбарчас боғлиқ.

Бизнингча, фохишаллик муаммоси билан боғлиқ барча жиноий-ҳуқуқий қарорлар энг аввало жиноят содир этувчи бундай аёллар шахсига ва фохишалликни эксплуатация қилиш билан шуғулланувчи шахсларга нисбатан алоҳида ёндашиш имкониятига таяниши керак. Бундай ёндашув, биринчидан, жиноят процессида далил-исботлар билан таъминлаш нуқтаи- назаридан юқорида зикр этилган шахсларни янада кенг тавсифлаш имконини беради, иккинчидан эса, индивидуал профилактика ишларини амалга оширишда шахснинг психологик хусусиятларини эътиборга олишнинг зарур шарти бўлиб ҳисобланади.

Тадқиқотларга кўра, умумий жиноятда аёллар содир этадиган жиноий хатти-ҳаракатлар эркаклар томонидан содир содир этиладиган жиноятлардан фарқ қилади. Шу боис аёллар жиноятининг табиати ва оқибати, содир этиш усули ва жиноят қуролини маълум бир вазиятларда қўлланиши, жиноят содир этилишида иштирок этишдаги ўрни, жиноят қурбонини танлаш, маиший турмуш шароити кабиларга криминологияда алоҳида эътибор қаратилган ҳолда тадқиқот ишлари олиб борилади ва зарур тавсиялар берилади.

Аёллар жиноий фаоллигининг умумий даражаси яқин ўн йилликда анча барқарор бўлиб қолади. Аммо бунга мамлакатимизнинг айрим вилоятларида диний ақидапарастлик, терроризм ғояларининг тарқалиши мавжуд вазиятга бақарорлаштирувчи омил сифатида таъсир кўрсатиши мумкин. Узок муддатли прогнозлар тузишда бу ва бошқа шунга ўхшаш ҳолатларни ҳам эътиборга олиш керак.

Аёллар ўртасида жиноятни криминологик прогноз қилиш соҳасида давлатнинг умумий саъй-ҳаракатлари ва статистик ҳисоботини, юридик, ижтимоий-иқтисодий, демографик ва бошқа статистика маълумотларини такомиллаштиришга йўналтирилган муайян чора-тадбирларни амалга ошириш жуда муҳим аҳамиятга эга. Криминологик прогноз қилиш соҳаси Ўзбекистонда деярли ривожланмаган бўлса ҳам, уни ривожлантириш жиноятга, шу жумладан, аёллар ўртасидаги жиноятга қарши кураш чораларини танлаш ва уларнинг самарадорлигини ошириш йўлида катта аҳамият касб этган бўларди.

Аёллар ўртасидаги жиноятга таъсир кўрсатувчи криминоген хусусиятга эга бўлган салбий омилларни баҳолаш умуман жиноятка таъсир кўрсатувчи омилларнинг таҳлили билан чамбарчас боғлиқ.

Шунинг учун ҳам аёллар профессионал жиноятчилигини профилактика

қилишнинг хусусиятларини кўриб чиқишга киришишдан олдин, улар энг аввало жиноятга, шу жумладан аёллар ўртасидаги жиноятга қарши курашнинг умумий сиёсати ҳамда криминал профессионализмнинг олдини олиш чоралари билан чамбарчас боғлиқ эканлигини қайд ўтиб ўтиш керак.

Аёллар профессионал ҳуқуқбузарлигининг олдини олиш профессионал ҳуқуқбузар аёлларнинг жиноят содир этиш усулларини, ҳуқуқбузар аёлларнинг шахсий хусусиятларини эътиборга олиш, уларнинг криминоген алоқаларини аниқлашни назарда тутиши лозим. Профессионал ҳуқуқбузар аёллар фаолятининг хусусиятларини ўрганишда уларга хос бўлган жиҳатларни, жумладан, бундай жиноятлар латентлиги даражасининг юқори эканлиги, жабрланувчиларнинг хулқ-атворидаги виктимологик белгилардан ҳуқуқбузар аёлларнинг фойдаланишини, жиноят иши бўйича тергов жараёнида жиноятчи аёлларнинг хулқ-атворини эътиборга олиш керакки, бу, ўз навбатида, профессионал жиноятчи аёллар иштирокида алоҳида тергов ҳаракатлари ва процессуал ҳаракатларни ўтказишнинг тегишли тактикасини ишлаб чиқишни талаб этади.

Аёллар ўртасида жиноятчиликни олдини олиш чора-тадбирларини ишлаб чиқишда унинг минтақавий хусусиятларини ҳам эътиборга олиш, уни мана шу хусусиятлардан келиб чиқиб прогноз қилиш ҳам долзарб аҳамият касб этади.

Аёллар томонидан содир этилаётган жиноятларни олдини олиш, шунингдек бириктирилган ҳудудда жиноят содир этган, шунингдек жиноят содир этиши мумкин бўлган хотин-қизларни аниқлаш ва ҳисобини юритиш учун ҳар бир ҳудудга хотин-қизлар масалалари бўйича профилактика инспектори лавозимини жориш этиш ҳамда “Аёллар ҳуқуқбузарлигига қарши кураш бўлинма”ни ташкил этиш. Жиноят содир этган, содир этиш эҳтимоли мавжуд бўлган, шунингдек, виктимологик жиҳатдан ҳимояга муҳтож хотин-қизлар доирасида ижтимоий профилактикани ташкил этиш чора-тадбирларини кўриш, шунингдек, ижтимоий профилактика амалга оширилиши мумкин бўлган хотин-қизлар ҳақида қисқа муддат ичида маълумотларни олиш механизмини ташкил этиб интеграцион маълумотлар базасини яратиш зарур.

Аёллар содир этган жиноятларнинг сабаблари ҳозирги ижтимоий иқтисодий жараёнлар таҳлилининг кўрсатишича, аёллар жиноятчилигининг асосан қуйидагилар билан узвий боғлиқ:

- 1) жамиятнинг турли бўғинларида ижтимоий назоратнинг сусайганлиги, жумладан оила ва унинг шаклланишида
- 2) жамиятда юзага келаётган номақбул зиддиятлар, одамлар ўртасидаги безовталиқ ва турли қарама-қаршилиқлар, ўзаро қасд ва душманлик кайфияти;
- 3) жамият ҳаёт тарзига зид бўлган ичкиликбозлик, гиёҳвандлик, фоҳишабозлик, дарбадарлик ва тиланчиликнинг ўсганлиги .

Аҳоли орасида одоб-ахлоқ қоидаларига мос келмайдиган салбий ижтимоий жараён - фоҳишалик кузатилмоқда, яъни моддий манфаат эвазига қилинаётган тасодифий жинсий алоқалар кўпайиб, оила каби муҳим жамият асосини издан чиқармоқда. Бундан ташқари, фоҳишалик билан бирга суицид, криминал абортлар, гиёхвандлик ва алкоголизм, ОИВ инфекциясининг тарқалиши кўпаяди. Ушбу ижтимоий ҳавфли жараён жамиятимизда минг йиллаб тузилган ахлоқ-одоб қоидаларини бузиш билан бирга иффат, фидойи севги, садоқатга ишониш каби тушунчаларни инкор қилади ва таълим тарбия йўлида қилинаётган меҳнатнинг обрўсини тушуради.

Бундан ташқари ташкил этилиши кўзда тутилаётган “Аёллар ҳуқуқбузарлигига қарши кураш бўлинма”лари фаолияти бевосита мазкур турдаги ҳуқубузарликни содир этган, содир этишга мойил хотин-қизлар устидан назоратни амалга ошириш, тегишли тартибда рўйхатини юритиш ҳамда аёллар билан индивидуал профилактика ишлари (тўғридан тўғри профилактик суҳбат орқали, ёки яшаш, ўқиш ва иш жойида, яқин қариндошларини жалб қилган ҳолда) олиб бориш, агар мазкур тоифадаги ҳуқубузарликни содир этган шахс бошқа ҳудудда истиқомат қиладиган бўлса, яшаш манзилларига ҳабарномалар жўнатиш, биринчи маротаба содир этилган фоҳишаликдан кейин расмий огоҳлантириш чораларини кўриш, такрорий содир этилган ҳуқуқбузарликдан кейин профилактик ҳисобга олиб, уларнинг профилактик карталарини яшаш манзилларига юбориш, шунингдек, фоҳишаларни бир йил давомида профилактик ҳисобга олиб, уларнинг хулқ-атвори назоратга олган тақдирдагина, фоҳишаликни олдини олишда ижобий натижаларга эришса бўлади десак, муболаға бўлмайди.

Тошкент шаҳарининг турли жойларида, асосан, Чилонзор тумани “Чилонзор буюм савдо комплекси” ва “Тошкент савдо комплекси”, Бектемир тумани, Яшнобод ва Миробод туманлари ҳудудида бошқа вилоятлардан келиб “лўли” миллатига мансуб фуқаролар ҳуқубузарлик (тиламчилик, дайди, фирибгарлик, ўғирлик, майда безорилик ва ҳ.к.) ҳолатларини содир этиб келмоқдалар, бу эса савдо-комплексда фаолият юритаётган тадбиркорлар, шу ҳудудда яшовчи фуқароларни ҳақли эътирозларига сабаб бўлмоқда.

“Лўли” миллатига мансуб фуқаролар кундузи Тошкент шаҳрининг барча савдо-комплексларида (“Бектўпи”, “Фарход”, “Ўрикзор”, “Қўйлуқ”, “Чорсу”, “Юнусобод”, “Олой” ва ҳ.к) ва Тошкент вилояти Зангиота туманинг “Бек барака” бозорларида ҳамда одам гавжум бўлган чораҳалар ва ер ости йўлларида ҳуқубузарлик (тиламчилик, дайди, фирибгарлик, ўғирлик, майда безорилик ва ҳ.к.) ҳолатларини содир этиб, кечкурунлари Тошкент вилоятининг чегарадош ҳудудларидаги дала майдонларига келиб, ўзларига яшаш учун жой қилиб “Табр”ларни шакллантириб яшаб келмоқдалар.

Олиб борилган ўрганишлар давомида ёши 25-30 ёшларда бўлган лўли аёлларининг 7-8 нафаргача фарзандлари борлиги ва болалари антисанитария ва гигиена қоидаларига амал қилмасдан кир аҳволда савдо комплекси ҳудудида назоратсиз юриб, турли ҳилдаги ҳуқуқбузарлик ҳолатларини келтириб чиқармоқда.

Ҳозирги кунда Ички ишлар органлари ҳодимлари ва мутассадди ташкилотлар билан ҳамкорликда, “Лўли” миллатига мансуб фуқароларнинг тиламчилик қилиб, йўлларда, бозорларда юришини тартибга солиш борасида бир қатор чора тадбирлар ўтказилиб келмоқда.

Ўзбекистон Республикаси жамоат хавфсизлиги концепциясини тасдиқлаш ва уни амалга ошириш чора-тадбирлари тўғрисидаги низомининг 2-иловасидаги 2022 — 2025 йилларда Ўзбекистон Республикасида жамоат хавфсизлигини таъминлаш тизимини ривожлантириш стратегиясида профилактика инспекторларининг вазифаларини амалга оширишни тизимли йўлга қўйиш мақсадга мувофиқ бўлади. Чунончи, профилактика инспекторларида ортикча қоғозбозлик, маълумотлар тўплаш тезлигини сезиларли даражада ошириш, ҳуқуқбузарликларни вақтида рўйхатга олиш, ижтимоий профилактика йўналишини манзилли ташкил этиш йўналишини белгилаш мақсадида онлайн ахборот портали мавжуд эмас. Шунингдек маҳалла профилактика инспекторларига бириктирилган планшетларнинг ҳам имконияти чекланган ҳисобланади.

Адлия вазирлиги, Ички ишлар вазирлиги, Маҳалла ва оилани қўллаб-қувватлаш вазирлиги, Соғлиқни сақлаш вазирлиги, Олий ва ўрта махсус таълим вазирлиги, Халқ таълими вазирлиги, Бандлик ва меҳнат муносаблари вазирлиги, Бош прокуратура, Ёшлар ишлари агентлиги, Аёлларни реабилитация қилиш ва мослаштириш республика маркази, Ёзувчилар уюшмаси, Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликлари ва қўйидаги маҳалла раислари ва маҳалладаги ҳоким ёрдамчилари, ёшлар етакчилари, уй боши ва кўча вакиллари, Халқ таълими бошқармалари, мактабгача таълим муассасалари, ННТлари билан ҳамкорликни белгиловчи Электрон ҳужжатлар юбориш ва бажариш тизимини жорий этиш бўйича электрон платформа яратиш зарур. Ушбу электрон платформа:

1. Хотин-қизларга қўлланилган тазйиқ ва зўравонлик ҳолатлари юзасидан ягона маълумотлар базасинига уланиш;
2. Ички ишлар вазирлигида мавжуд ахборот платформалари негизида ҳуқуқбузарликлар ва жиноятлар, содир этишга мойил бўлган шахслар ҳақидаги маълумотлар электрон базасини яратиш;
3. Вазирлик ва идоралар билан интеграция қилиш;
4. Профилактика инспекторларининг ҳужжатлар намуналари планшетларга

жойлаштириш;

5. Профилактика инспекторининг планшетида ҳар битта содир этилган ҳуқуқбузарликлар учун процессуал хатти-ҳаракатларни амалга оширишда кўмак берадиган услубий қўлланма ва электрон ҳужжатлар намуналарини киритиш;

6. Таҳлилий маълумотлар ва тавсиялар тайёрлаш каби ишларни ўз ичига олиши лозим.

Ушбу йўналишда қуйидагиларга “Тинч ва осуда оила”, “Хавфсиз хонадон”, “Хавф маҳалла”, “Тинч ва Хавфсиз шаҳар” хавф туғдирувчи омиллар аниқланиб, уларни бартараф этиш бўйича электрон платформали концепция ишлаб чиқишни йўлга қўйиш орқали амалий муаммоларни хал қилиш мумкин.

Юртбошимиз томонидан, ижтимоий ҳимояга муҳтож ва кам таъминланган оилаларда яшовчи фуқароларнинг дардини эшитиш ва улраган тизимли кўмак бериш мақсадида жойларда секторлар ташкил этилди.

Бундан ташқари “Аёллар дафтари”, “Ёшлар дафтари” ва “Темир дафтар”лар ташкил этилди.

Лекин жамиятда ўз ўрнига эга бўлмаган, ушбу дафтарларга рўйхатга олинган, давлат томонидан кўмакга муҳтож бўлган опа сингилларимизни, ушбу дафтардан чиқиб, давлат томонидан берилган ёрдамлардан унумли фойдаларниб, ҳаётда ўз ўрнига эга бўлишлари учун СТИМУЛ бўладиган давлат миқёсидаги кўрик танлавлар жорий этилмаган.

Ушбу муаммоларни ижобий хал қилишда:

жамият ижтимоий қатламидан ажралиб қолган, шунингдек, ўз позициясини етарли даражада англаб етмаган, ижтимоий ҳимояга муҳтож бўлган хотин қизларнинг ижтимоий фаоллигини ошириш, ҳаётда ўз ўрнига эга эканлиги демократик-ҳуқуқий давлатнинг ижтимоий муҳофазасидаги фуқароси эканлигини англаб етиши ҳамда ҳаётда ўз ўрнига эга эканлигини кўрсатиш мақсадида турли хил ижтимоий-маданий кўрик танловлар ташкил этиб, танловлар якунига кўра “МАТОНАТЛИ АЁЛ” номинацияси жорий этиш;

жойларда секторлар кесимида ушбу рўйхатлар шакиллантирилиб, ҳар йили баҳор байрами арафасида ушбу кўрик танлов ўтказилиши йўлга қўйилиши;

“Аёллар дафтари”, “Ёшлар дафтари” ва “Темир дафтар”лардан рўйхатдан чиқиб, давлат томонидан берилган ёрдамлардан унумли фойдаларниб, ҳаётда ўз ўрнига эга бўлишган опа сингилларга берилиши белгиланиши лозим.

Хозирги амалиётда, хотин-қизлар масалалари бўйича инспекторлари суҳбат ўтказган ва уларнинг олдига мурожаат билан келган фуқаролар бўйича бир варақда маълумотнома қилинмоқда, ушбу маълумотнома йил алмашиши билан тикилиб, котибиятга топширилиб йўқ қилинмоқда.

Суҳбатдан ўтган, фуқаро, муҳокама қилинган оилалар, муаммолари бор

хонадонлар акас этирилиб, қачон ва ким томонидан ушбу оила ўрганилганлиги бўйича маълумотлар қўйи бўғинларда сақлаб қолишни имкони бўлмаётганлиги сабабли, келгусида ҳар бир ИИБ бўлинмаларида “Ф-3 китоби” деб юритилган маълумотлар киритиш ва алмашиш электрон платформа баъзаси ишлаб чиқилса, хотин-қизлар масалалари бўйича инспекторига мурожаат қилган (мурожаат шаклидан қатғий назар) ушбу электрон платформага киритилади ва шахсига оид маълумотлар, оилавий аҳволи, мурожаат тури ва мурожаат мазмуни, муаммоси, ечими бўйича маълумотлар, юқори турувчи бошқарма ва вазирликларда акс этиб, электрон назорат тизими ҳам яратилади, ортиқча қоғозбозликнинг олди олинади. ИИБ тизимида хизмат сафарлари учун кетадиган маблағлар тежаллади, аҳолининг муаммолари ўз вақтида ҳал қилиниши механизми тизимли равишда амалга оширилиб борилади.

ИИБ тизимидаги хотин-қизлар масалалари бўйича инспектори учун “Ф-3 китоби” деб юритилган маълумотлар киритиш ва алмашиш Ўзбекистон Республикаси Вазирлар Маҳкамасининг 2010 йил 26 ноябрдаги «Ички ишлар органларининг вояга етмаганларга ижтимоий-ҳуқуқий ёрдам кўрсатиш марказлари тўғрисидаги Низомни тасдиқлаш ҳақида»ги 296-сон қарори имкониятларини берувчи электрон платформа баъзаси ишлаб чиқилиб жорий этиш зарур.

Британия тажрибасида ажримларни олдини олиш мақсадида, оила қурмоқчи бўлган фуқаро, тўйдан олдин полиция идораларига ариза билан мурожаат этиш мумкинлигини, ушбу аризада бўлажак турмуш ўртоғи зўравон сифатида маълумот базасига киритилганми ёки йўқми текширилишини сўрайди ва маълумотга эга бўлиш ҳуқуқи берилган.

Қонунчиликка ажримларни олдини олиш мақсадида, ушбу тажриба асосида оила қурмоқчи бўлган фуқарога, тўйдан олдин ФХДЁ органи орқали хотин-қизлар масалалари бўйича инспекторлардан электрон ариза билан мурожаат этиш йўли билан текширтирса, ажримлар, оила турмуш доирасидаги ҳуқуқбузарликлар, ўз жонига суиқасд қилиш ҳолатлари камайишига эришилган бўларди.

Ундан ташқари хотин-қизлар масалалари бўйича инспекторларнинг ваколатлари кенгайтирилиши натижасида ҳар бир оила кўрмоқчи бўлган ёшлар билан бевосита суҳбат ўтказса юқоридагидек салбий ҳолатларни олдини олишда самарали чора-тадбир бўлиб хизмат қилади.

Никоҳ шартномасини мажбурий тартибда тузиш эр-хотин ўртасида ортирилган мол-мулкнинг ҳуқуқий асослари кафолатланади, яъни шартномада мулккий муносабатларга оид қоидаларнинг батафсил акс этирилиши кейинчалик юзага келадиган мулк билан боғлиқ низолар келишмовчиликларни судгача тинч йўл билан ҳал этиш имконияти яратилиб, томонларнинг

ҳуқуқлари ҳимояланишига эришилади.

Оила-турмуш доирасидаги ҳуқуқбузарликлар тўғрисидаги маъмурий ишларнинг профилактика инспектори эмас балки судда кўрилиши айрим оилаларнинг ажримига яъни суд томонидан тарафларга жарима жазоси тайинланиши келишмовчиликни авж олишга сабаб бўлмоқда.

Шу сабабли оилалардаги ажримларни олдини олиш, хотин-қизлар масалалари бўйича профилактика инспекторларнинг обрўсини ошириш мақсадида, оила-турмуш доирасидаги ҳуқуқбузарлар ва томонларнинг ўзаро ярашуви муносабати билан, маъмурий жавобгарликдан озод этиш шунингдек жазони енгиллаштириш ваколатларини судлар билан бир қаторда профилактика инспекторлари ва Хотин қизлар инспекторларига ўтказилса мақсадга мувофиқ бўлар эди.

Хулоса ўрнида шуни айтиш лозимки, аёлнинг нозик қўлларига кишан эмас, гул, қалбига ёвузлик эмас, эзгулик ярашади. У жамиятимизнинг кўрки бўлмоғи лозим. Унинг тилларидан пушаймонлик, афсус ноласи эмас, аллалар учсин, бахтдан, толедан куйласин. Бунинг учун эса аёллар қонунбузарлигининг олдини олиш фақат ҳуқуқ-тартибот идоралари ёки тегишли ташкилотларнинггина эмас, ҳаммамизнинг вазифамизга айланиши лозим.

Фойдаланилган адабиётлар рўйхати:

- 1.Тўйчиев Ҳ. Шахс ҳуқуқий онги ва ҳуқуқий таълим. - Т.: Муҳаррир, 2010. - 128 б. Б. 50
2. Каракетов Ю.М. Ответственность за разбой. – Нукус, 1990. – С.115.
- 3.Криминология: Дарслик / З. С.Зарипов, Ю. С.Пулатов, Г. А.Аванесов ва бошқ.; проф. С.Зарипов таҳрири остида. – Т.: Ўзбекистон Республикаси ИИВ Академияси, 2006. – 474 б. Б. 198.
4. Семенихин В. Подросток ждет защиты // Милиция.– 1992. – №1. – С. 13.
5. Ҳуқуқбузарликларнинг сабаб ва шароитларини аниқлаш, таҳлил қилиш ва бартараф этиш: Ўқув қўлланма / И. Исмаилов, Д. М. Миразов, Ж. С. Мухторов ва бошқ.; проф. Ў. Ҳ. Мухамедовнинг умумий таҳрири остида. - Т., 2017. - Б. 22–24.
- 6.Хўжакулов С.Б. Ҳуқуқбузарликлар умумий профилактикасини такомиллаштириш (ички ишлар органлари фаолияти мисолида): Юрид. фан. б-ча фалсафа д-ри (PhD) дис.... автореф. – Т., 2018. – Б. 20.
- 7.Ўзбекистон Республикасининг Маъмурий жавобгарлик тўғрисидаги кодекси // URL: <http://www.lex.uz>
- 8.Ўзбекистон Республикасининг Жиноят кодекси // URL: <http://www.lex.uz>;
- 9.Абдурасулова Қ.Р. Хотин-қизлар жиноятчилигининг жиноят ҳуқуқий ва криминологик муаммолари: Монография. – Т., 2005. – 231 б.

10. Ўзбекистон Республикаси Ички ишлар вазирлигининг 2017 йил 25 августдаги «Ички ишлар органлари томонидан ҳуқуқбузарликлар профилактикасини амалга ошириш тартиби тўғрисидаги йўриқномани тасдиқлаш ҳақида»ги 191-сон буйруғи // URL: <http://www.lex.uz>

11. Ўзбекистон Республикаси Вазирлар Маҳкамасининг 2010 йил 26 ноябрдаги «Ички ишлар органларининг вояга етмаганларга ижтимоий-ҳуқуқий ёрдам кўрсатиш марказлари тўғрисидаги Низомни тасдиқлаш ҳақида»ги 296-сон қарори // Ўзбекистон Республикаси қонун ҳужжатлари тўплами. – 2010. – №48. – 446-м.

12. Juvenile Justice and Delinquency Prevention Act of 2002 // [Электрон манба]: <https://www.ojjdp.gov/about/ojjdpact2002.html>.